

## Allannguutissatut siunnersuut

Uunga

### **Uunga siunnersuut: Aningaasarsianit akileraarutit pillugit Inatsisartut inatsisaata allangortinneqarnera pillugu Inatsisartut inatsisaat nr. xx, xx. xxx 2018-imeersoq.**

(Kalaallit Nunaanni soraarnerussutisiaqalernissamut aningaasaateqarfinni soraarnerussutisiaqalernissamut ileqqaakkanit iluanaarutit akileraarusersorneqartarunnaarnissaat, aquuterallannut inuussutissarsiutigalugu umiatsiaararsorluni aalisarnermi atornerqartunut nalikilliliinermut malittarisassani allannguutit, takornariartitsilluni imaluunniit attartorluni imaatigut angalaneq, kiisalu nuussinernik nakkutigisanik uppersaarnissamut il. il. piumasaqaatit aamma nunamit nunamut nalunaarusiornerit il. il.)

Aappassaaneerseqarnissaannut Naalakkersuinit saqqummiunneqartoq.

### § 1-imut

#### 1. § 1-imi aallaqqaasiut imaatut oqaasertaqassaaq:

“Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi, ilaatigut Inatsisartut inatsisaanni nr. 11, 15. november 2007-imeersumi, Inatsisartut inatsisaanni nr. 20, 18. november 2010-meersumi, Inatsisartut inatsisaanni nr. 9, 3. december 2012-imeersumi, Inatsisartut inatsisaanni nr. 37, 9. december 2015-imeersumi, Inatsisartut inatsisaanni nr. 29, 28. november 2016-imeersumi, Inatsisartut inatsisaanni nr. 18, 26. juni 2017-imeersumi kiisalu kingullermik Inatsisartut inatsisaanni nr. 48, 23. november 2017-imeersumi allangortinneqartumi, tulliuuttut makku allannguutigineqarput:”

2. *Nr. 1-ip ataani § 3, imm. 3-tut* siunnersuutigineqartoq, ima oqaasertaqassaaq:  
 ” *Imm. 3.* Ingerlatseqatigiiffinnik suliffeqarfinnullu, aatsitassat pillugit ingerlatallu tamatumunnga pingaarutillit pillugit Inatsisartut inatsisaat naapertorlugu aatsitassanik iluaqutiginninniarsinnaanermut, erngup nukingata innaallagissiornermut atornerqarnera pillugu Inatsisartut inatsisaat naapertorlugu aamma niuerneramik tungaveqarluni sermimik imermillu iluaquteqarsinnaaneq pillugu Inatsisartut inatsisaat naapertorlugu akuersissuteqarfigineqarsimasunik akileraarusersuineq, pisinnaatitaaffeqalersup akuersissutaani aalajangersakkat malillugit atorunnaassaaq.”

**3. Nr. 1-ip** ataani § 3-mi, imm. 4-tut siunnersuutigineqartoq imatut oqaasertaqassaaq:  
" Imm. 4. Kapitali 4 a naapertorlugu soraarnerussutisiaqalernissaq siunertaralugu ileqqaakkat aamma soraarnerussutisiaqalernissamut aningaasaateqarfinni soraarnerussutisiaqalernissamut aaqqiissutini, § 1, imm. 1, nr. 9-mi taaneqartut, iluanaarutinit akileraarusersorneqassanngillat §§ 86-87 naapertorlugu ingerlatseqatigiiffinnit kattuffinnillu Kalaallit Nunaanni najugaqartunit tiguneqartut. Akileraartussaataasut kapitali 4 a naapertorlugu soraarnerussutisiaqalernissaq siunertaralugu ileqqaagallit, aningaaserivimmik isumaqatigiissuteqarnikkut akileraartussaataasooq sinnerlugu iluanaarutinit akileraarutit unerartinneqartut utertinneqarnissaat pillugu § 90 naapertorlugu aningaaserivik qinnuteqartissinnaavaat."

**4. Nr. 3-p** ataani § 23, imm. 2-mi, nr. 5-itut siunnersuutigineqartoq, imatut oqaasertaqassaaq:  
"5) Aquuteralammik, angallatinut 8 meteri ataalluguluunniit (takissusia tamaat) takissusilinnut atugassamik pisinermi aningaasartuutit imaluunniit pisinermi akip 100 procentia tikillugu. Aquuteralammut ataatsimut pisiarineqartumut aningaasartuutit ukiumi isertitaqarfiusumi ataatsimi taamaallaat nalikilliliisoqarsinnaavoq. Aalajangersakkami imm. 1 atuutissappat makku tunngavigineqassapput:  
a) angallat inuussutissarsiutugalugu aalisarnermut atorneqassaaq aammalu akileraartussaataasooq sinerissamut qanittumi inuussutissarsiorluni aalisarnissamut akuersissuteqassalluni, imaluunniit  
b) angallat takornariartitsinermit attartortitsilluniluunniit angallassinermut atatillugu ilaasunik angallassinissamut akuersissuteqassaaq aammalu ukiumi isertitaqarfiusumi akileraartussaataasooq takornariartitsilluni attartortitsilluniluunniit angallassinermut taamaattumit 50.000 kr.-t taakkuluunniit sinnerlugit isertitaqartut ukiumoortumik nalunaarsuisimassaaq."

**5. Nr. 4-p** ataani § 23, imm. 3-4-tut siunnersuutigineqartoq, ima oqaasertaqassaaq:  
" Imm. 3. Namminersorluni inuussutissarsiornermik ingerlataqartut imm. 1-imi taaneqartut nalikillilerneqarsinnaasunut aningaasartuutinit aammalu pigisanut nalilinnut il. il. imm. 2, nr. 3-5-imi taaneqartunut kontomik ataatsimut naatsorsuiffiusussamik naatsorsuteqassapput. Ukiumi nalikilliliissutit ukiup aningaasarsiorfiusup naanerani nalikillilerneqarsinnaasup nalinga tunngavigalugu nalikilliliissutigineqartassapput. Naliosoq taanna ukiup aallartinnerani naliusup nakilliliissutaasinnaasutut aningaasartuutinit imaluunniit ingerlatsinermit atortut il. il. pissarsiarinerani nalinginik ilallugit naatsorsorneqartassapput, taakkua ukiumi aningaasarsiorfiusumi pissarsiarineqarsimappata, aammalu ukiumi ingerlatsinermit atortut il. il. ukiumi aningaasarsiorfiusumi tuninerini nalinginik kiisalu imm. 2, nr. 4-5 naapertorlugit nalikilliliissutaasunik ilanngaateqartillugit. Pitsanngorsaatitut aningaasartuutit pissarsinermit naliusutut suliarineqartassapput. Ukiup aallartinnerani naliosoq tassaavoq ingerlatsinermit atortut il. il. ukiumi siusinnerusuni pissarsiarinerisa nalingi aammalu aningaasartuutit nalikilliliissutinik ilanngareerlugit nalingat.

Imm. 4. imm. 2, nr. 3-5-imi pigisanik taaneqartutit tunisinikkut naliusut

nalikilliliissutigineqarsinnaasup sinnera qimmussimappassuk, nikingassut naatsorsugaq ukiumi aningaasarsiorfiusumi tassani isertitatut ilanngunneqassaaq."

6. Nr. 7 imatut oqaasertaqassaaq:

"7. § 36 b, imm. 2, oqaaseqatigiinni siullerni "nakkutigisaasunik iliuutsinut" kingorna ivertinneqassaaq": "taamaattoq imm. 4 takuuk".

7. Nr. 8 imatut oqaasertaqassaaq:

"8. § 36 b, imm. 2, oqaaseqatigiit sisamaattut, tallimaattut arfernattullu ivertinneqassaaq: " "Paasissutissanik toqqorsivinnit misissuinertut allakkatigut uppernarsaatit aatsaat suliarineqartassapput akileraaruseriffik tamatuminnga piumasaqarpat, sivikinnerpaamillu ullunik 60-inik piffissaliilluni. Iliuutsinut nakkutigisaasunut annertussutsikkut akulikissutsikkullu pingaaruteqanngitsunut allakkatigut uppernarsaasiortoqassanngilaq. Allakkatigut uppernarsaatit imarisassaat pillugit Naalakkersuisut malittarisassiorsinnaapput."

8. Nr. 9-p ataani § 36 b, imm. 4-5-itut siunnersuutigineqartoq imatut oqaasertaqassaaq:

" Imm. 4. Akileraartussaataasut, kisimiillutik imaluunniit § 36 a, imm. 4, naapertorlugu ingerlatseqatigiiffiit ingerlatseqatigiiffissuakkut imminnut atasut peqatigalugit, 250 ataallugit sulisoqartut aamma ukiumut katillugit 125 mio. kr.-nik naatsorsuutitigut oqimaaqatigiissitaqartut imaluunniit ukiumut 250 mio. kr.-t ataallugit kaaviiartitaqartut, imm. 2, oqaaseqatigiit pingajuat, sisamaat tallimaallu sulit atuutsillugit, taamaallaat allakkatigut uppernarsaatinik suliaqarlutillu toqqortaartassapput qanoq akigitat atugassarititaasullu aalajangersarneqarneri pillugit:

- 1) Inunnut pappiaqqatigullu inunnut nunani allaneersunut iliuutsinut nakkutigisaasunik nuussinernut, takuuk § 36 a, imm. 6, Kalaallilu Nunaata naalagaaffiullu allap pineqartup akornanni marloqiusamik akileraartannginnissamut isumaqatigiissuteqarfiunngitsunut.
- 2) Iliuutsinut nakkutigisaasunut nunani allani aalajangersimasumik ingerlatsiveqartuni, takuuk § 36 a, imm. 6, Kalaallilu Nunaata naalagaaffiullu allap pineqartup akornanni marloqiusamik akileraartannginnissamut isumaqatigiissuteqarfiunngitsunut.
- 3) Iliuutsinut nakkutigisaasunut Kalaallit Nunaanni aalajangersimasumik ingerlatsiveqartuni, tassani akileraartussaataasooq, § 36 a, imm. 1, nr. 5 naapertorlugu naalagaaffimmi aallami Kalaallit Nunaannik marloqiusamik akileraartannginnissamik isumaqatigiissuteqanngitsumi angerlarsimaffeqarnera toqqammavissaatillugu.

Imm. 5. Imm. 4-mi annertussutsinut killiliussani pappiaqqatigut inuit akileraartussaataasumut ingerlatseqatigiiffissuakkut imminnut atasunut, takuuk § 36 a, imm. 4. Ataatsimut oqimaaqatigiissitsinermik naatsorsuineri taamaattoq akiitsut akiligassallu akileraartussaataasup pappiaqqatigullu inuit ingerlatseqatigiiffissuakkut imminnut atasut kiisalu ingerlatseqatigiiffissuakkut imminnut atasunik pappiaqqatigut inunnik akileraartussaataasumit pigineqartunit killormullu aningaasatigut agguagarsiat. Kaaviiartitatigut killigititamik naatsorsuineri akileraartussaataasup ingerlatseqatigiiffissuakkut imminnut atasumik pappiaqqatigut inuup akornanni kaaviiartitat ilanngunneqassanngillat."

9. Nr. 10-ip ataani § 36 b, imm. 6-12-itut siunnersuutigineqartoq imatut oqaasertaqassaaq:  
” Imm. 6. Ingerlatseqatigiiffissuup nunani assigiinngitsuni ingerlatsisup ingerlatseqatigiiffik qullerpaatut aqutsisua, akileraartarnikkut § 1, imm. 1, nr 3-8, 10 aamma 12-14 naapertorlugu Kalaallit Nunaanni angerlarsimaffeqartoq, ingerlatseqatigiiffissuup ukioq isertitaqarfiusoq nalunaarusiorfissaq sioqqullugu katillugit minnerpaamik 5,6 mia kr.-nik kaaviiartitaqaruni akileraaruseriffimmut nunamit nunamut nalunaarusiamik suliaqassaaq. Nunamit nunamut nalunaarusiaq ukiup isertitaqarfiusup nunamit nunamut nalunaarusiap nalunaarusiarineqarnerani ukiup ulluata kingulliup kingusinnerpaamik qaammatinik 12-it kingorna tunniunneqassaaq.

Imm. 7. Ingerlatseqatigiiffissuaq ingerlatseqatigiiffik qullerpaatut aqutsisuunngitsoq imm. 6 naapertorlugu nunamit nunamut nalunaarummik tunniussissaaq pissutsit makku atuuppata

1) § 1, imm. 1, nr. 3-8, 10 aamma 12-14 naapertorlugu ingerlatseqatigiiffissuaq akileraarusiisarnikkut Kalaallit Nunaanni angerlarsimaffeqarpat, aamma

2) tunngavissaatitaasut ataaseq arlallilluunniit naammassineqarpata:

a) Ingerlatseqatigiiffissuup ingerlatseqatigiiffik qullerpaatut aqutsisua nunami angerlarsimaffigisaani nunamit nunamut nalunaarusiamik tunniussisussaataitanermik pisissaaffeqangippat,

b) nunamit nunamut nalunaarusianik nammineq paarlaateqatigiinneq ajorput, tamanna Kalaallit Nunaanni pisussaallutik oqartussaasut oqartussaaffillu ingerlatseqatigiiffik qullerpaatut aqutsisoq suliffeqarfiup angerlarsimaffigisaani isumaqatigiissuteqartoqannginnerata nassatarisaanik, naak nunarsuarmioqatigiit akornanni akileraartarneq pillugu paasissutissanik paarlaasseqatigiittarnermik isumaqatigiissuteqartoqaraluartoq, imaluunniit

c) oqartussaaffik pillugu tulleriaarlugu kukkusooqartuarternera ingerlatseqatigiiffik qullerpaatut aqutsisoq akileraartarnikkut angerlarsimaffigisaani, akileraaruseriffiullu ingerlatseqatigiiffissuup tassani nr. 1-imut ilaatinneqarneranik nalunaaruteqareernerani.

Imm. 8. Imm. 7, nr. 2-mi tunngavissat ataaseq arlallilluunniit naammassineqarpata, kalaallillu ingerlatseqatigiiffissui ataatsimit amerlaneruppata, takuuk imm. 7, nr. 1, ingerlatseqatigiiffissuit ingerlatseqatigiiffissuarmik ataatsimik imm. 6 naapertorlugu akileraaruseriffimmut nunamit nunamut nalunaarusiamik tunniussinissamik akisussaasussamik toqqaassapput. Toqqaaneq akileraaruseriffimmut nalunaarutigineqassaaq, takuuk imm. 10, uniffik siulleq.

Imm. 9. Ingerlatseqatigiiffissuaq nunamit nunamut nalunaarusiamik akileraaruseriffimmut tunniussinissamut pisussaangilaq, naak imm. 7, nr. 2-mi tunngavissaatitat ataaseq arlallilluunniit naammassineqarsimagaluarpata, ingerlatseqatigiiffissuaq nunani tamalaani ingerlatsisoq ukiumi isertitaqarfiusumi ingerlatseqatigiiffiup aqutsisup sinniisaa aqqutigalugu akileraartarnermut oqartussanut, ingerlatseqatigiiffimmut aqutsisumut sinniisooq akileraartarnikkut angerlarsimaffigisaanut nunamit nunamut nalunaarusiamik tunniussippat, tunngavissallu tulluuttut naammassineqarpata:

- 1) Oqartussaaffimmi ingerlatseqatigiiffimmut aqutsisumut sinniisup nunami akileraartarnikkut angerlarsimaffigisaani nunamit nunamut nalunaarusiamik tunniussinissaq inatsisitigut pisussaaffiuppat.
- 2) ) Oqartussaaffimmi ingerlatseqatigiiffimmut aqutsisumut sinniisup nunami akileraartarnikkut angerlarsimaffigisaani paasissutissanik Kalaallit Nunaannut paarlaasseqatigiittarnissamik nunat tamat akornanni isumaqatigiissuteqarpat, oqartussaasullu akornanni isumaqatigiissut naapertorlugu nunamit nunamut nalunaarusiat paarlaasseqatigiissutigineqartarata.
- 3) Oqartussaaffik pillugu tullerriiarlugu kukkusoqartanngippat ingerlatseqatigiiffimmut aqutsisumut sinniisup akileraartarnikkut angerlarsimaffigisaani, imaluunniit akileraaruseriffik tullerriiarlugu kukkujuartoqartarneranik ingerlatseqatigiiffissuamut nalunaaruteqanngitsoorsimappat.
- 4) Oqartussaasoq ingerlatseqatigiiffimmut aqutsisumut sinniisup akileraartarnikkut angerlarsimaffigisaa ingerlatseqatigiiffissuarmut ingerlatseqatigiiffimmut aqutsisumut sinniisup akilerartarnikkut angerlarsimaffigisaani angerlarsimaffeqartumit nalunaarfingineqarnikuuvoq, tak. imm. 10, oqaaseqatigiit siulliat, ingerlatseqatigiiffissuaq ingerlatseqatigiiffimmut aqutsisumut sinniisutut isigineqassasoq.
- 5) Nalunaarummik akileraaruseriffimmut tunniussisoqarsimatillugu, takuuk imm. 10, oqaaseqatigiit aappaat.

*Imm. 10.* Ingerlatseqatigiiffissuarmi nunani tamani ingerlatsisumi imm. 6 naapertorlugu ingerlatseqatigiiffik qullerpaatut aqutsisoq , imm. 7-iluunniit naapertorlugu ingerlatseqatigiiffimmut aqutsisumut sinniisooq kingusinnerpaamik ukiup isertitaqarfiusup naanerani nunamit nunamut nalunaarusiap tunniunneqarfissaani, nalunaarusiamik tunniussinissamut pisussaaffeqarluni akileraaruseriffimmut nalunaaruteqassaaq. Ingerlatseqatigiiffissuaq nunani tamalaani ingerlatseqatigiiffissuarmut qullerpaatut aqutsisuunngippat imaluunniit ingerlatseqatigiiffimmut aqutsisumut sinniisuunngippat, ingerlatseqatigiiffissuaq kingusinnerpaamik ukiup isertitaqarfiusup naanerani akileraaruseriffimmut, ingerlateqatigiiffissuup akileraartarnikkut angerlarsimaffigisaani, nunamit nunamut nalunaarusiap nunami tunniunneqarfissaani, ingerlatseqatigiiffissuup sorliup nunamit nunamut nalunaarusiamik tunniussinissamut pisussaaffeqarneranik nalunaaruteqarnissamut pisussaaffeqarpoq.

*Imm. 11.* Imm. 6-10 oqaatsit tulliuttut ima paasineqassapput:

- 1) Ingerlatseqatigiiffissuaq: suliffeqarfiit arlallit piginnittumikkut nakkutigineqarnermikkulluunniit imminnut atassuteqartut, taamaalilluni ataatsimut ingerlatseqatigiiffissuarmut ukiumut naatsorsuusiormut malittarisassat ingerlatseqatigiiffissuarmut atorlugu naapertorlugit ukiumut suliaqassallutik, imaluunniit suliffeqarfik ataaseq arlallilluunniit aningaasanik nalilinnik niueqatigiiffinni nalunaarsorsimappata taamaattunik suliaqassallutik.
- 2) Ingerlatseqatigiiffissuaq nunani tamalaani ingerlatsisoq: ingerlatseqatigiiffissuaq akileraartarnikkut oqartussaaffeqarfinni ataatsimik amerlanerusuni ingerlatseqatigiiffissuarnik ingerlatsisoq.
- 3) Ingerlatseqatigiiffissuaq:

- a) Ingerlatseqatigiiffissuarmi nunani tamalaani ingerlatsisumi ingerlatseqatigiiffissuaq sunaluunniit ataatsimoortumik ingerlatseqatigiiffissuarmi naatsorsuutini immikkoortut ingerlatsisoq, imaluunniit ingerlatseqatigiiffissuaq ataatsimoorussamik naatsorsuusiorsimassagaluarpat taamatut ingerlatsisoq, imaluunniit ingerlatseqatigiiffissuaq ataaseq arlallilluunniit aningaasanik nalilinnik niueqatigiiffinni nalunaarsorsimappata.
- b) Suliffeqarfik sunaluunniit ataatsimoorussamik ingerlatseqatigiiffissuup naatsorsuutaani suliffeqarfiup annertussusaa pingaaruteqannginneraluunniit pissutigalugu naatsorsuutitut ilanngunneqanngitsoq.
- c) Suliffeqarfiup aalajangersimasumik ingerlatsivia sunaluunniit litra a-mut b-milluunniit ilaatinneqartoq, tamatumani ukiumut naatsorsuusiornermut imaluunniit akileraarusiinikkut naatsorsuusiornermut imaluunniit avataanit nakkutilliinermut siunertaqartunik tunngatillugu imaluunniit ingerlatseqatigiiffissuarmi namminermi aqutsinermik siunertaqartumik immikkut ingerlatsivimmut tunngasumut immikkut naatsorsuusiortoqarnerani.
- 4) Ingerlatseqatigiiffik qullerpaatut aqutsisoq: : ingerlatseqatigiiffissuaq, ingerlatseqatigiiffissuarmi nunani tamalaani ingerlatsisumi toqqammavinnik makkuninnga naammassinnittoq:
- a) ingerlatseqatigiiffissuarmi nunani tamalaani ingerlatsisuni toqqaannartumik toqqaannangitsumilluunniit ingerlatseqatigiiffissuarnik ataatsimik arlalinnilluunniit naammaginatsumik sunniuteqartoq, taamaalilluni suliffeqarfik ataatsimoorussamik ingerlatseqatigiiffissuarmut naatsorsuusiornissamut malittarisassat atuuttut naapertorlugit akileraartarnikkut angerlarsimaffigisamini suliaqarnissamut pisussaaffeqarluni, imaluunniit aningaasanik niueqatigiiffinni nalunaarsorsimaguni taamaattunik suliaqartussaalluni.
- b) Ingerlatseqatigiiffissuarmi nunani tamalaani ingerlatsisumi ingerlatseqatigiiffissuarmik ingerlatsivimmi allamik litra a-mi taaneqartumi toqqaannartumik toqqaannangitsumilluunniit naammaginatsumik ingerlatseqatigiiffimmut sunniuteqartumik.
- 5) Kaaviiartitat: isertitat suliffeqarfiup nalinginnaasumik ingerlatsineranut atatillugu pilersut, tassani nioqutissianik tunisineq, sullississutinik tunisineq, akissarsiat, erniat, iluanaarutisiat ajunngitsorsiallu ilanngullugit.
- 6) Ingerlatseqatigiiffik aqutsisumut sinniisoq: Ingerlatseqatigiiffissuaq imm. 8 naapertorlugu nunamit nunamut nalunaarusiamik nunami akileraartarnikkut angerlarsimaffigisamini tunniussisussatut toqarneqartoq, imm. 7, nr. 2-mi toqqammavissaq ataaseq arlallilluunniit naammassineqarsimappata.
- 7) Pisussaasutut oqartussaasut akornanni isumaqatigissut: inatsisit atuuffiini naapertuuttuni akileraartarnikkut oqartussaasut pisussaasut akornanni nunat tamat akornanni isumaqatigiissut, nunamit nunamut nalunaarusianik nunat pineqartut akornanni tamatigitut paarlaateqatigiittarnissamik imaqartoq.
- 8) Nunat tamat akornanni akileraartarnikkut paasissutissanik paarlaateqatigiittarnissaq pillugu isumaqatigiissut: marloqiusamik akileraartannginnissamik isumaqatigiissut, nunat tamalaat akornanni isumaqatigiissut imaluunniit nunani tamalaani isumaqatigiissut imaluunniit allaffissornikkut akileraartarnermut suliani ikiuinissaq pillugu isumaqatigiissut sunaluunniit naapertorlugu Kalaallit Nunaata oqartussaaffimmi ataatsimi arlalinnilluunniit

akileraartarnikkut paasissutissanik paarlaateqatigiittarnermik isumaqatigiissutaa, tassani paasissutissanik paarlaateqatigiinnerit tamaasa ilanngullugit.

9) Oqartussaaffinni tulleriiarlugit kukkujuarnerit: Kalaallit Nunaanni pisussaasutit oqartussaasunik oqartussaaffimilu pineqartumi isumaqatigiissuteqartoqarpat, kisiannili paasissutissanik paarlaateqatigiittarnek pissutsinik oqartussaaffiit akornanni isumaqatigiissummi aalajangersarneqartunit allamik toqqammaveqartumik oqartussaaffimmit atorunaarsitsisoqarsimappat, imaluunniit arlaleriarluni nunamit nunamut nalunaarusianik Kalaallit Nunaannik paarlaassineq pinngitsoorsimappat, nunani tamalaani ingerlatseqatigiiffissuaq Kalaallit Nunaanni ingerlatseqatigiiffissuarnik ingerlatsiffigisaani.

*Imm. 12.* Nunamit nunamut nalunaarusiat pillugit Naalakkersuisut malittarisassanik erseqqinnerusunik malittarisassiorsinnaapput.”

## § 2-mut

**10.** § 2, *imm. 2*, imatut oqaasertaqassaaq:

“*Imm. 2.* Inatsisartut inatsisaat ukioq isertitaqarfiusoq 2019 aallarnerfigalugu ilanngullugulu atuutilissaaq.”

Allannguutissatut siunnersuummut nassuiaatit

### **Nassuiaatit nalinginnaasut**

Allannguutissatut siunnersuummi siunertarineqarpoq inatsisip kalaallisut danskisullu oqaasertaasa imminnut naapertuunnissaat qulakkeerreqassasoq.

Kukkunersiuinermi ersersinneqarpoq inatsisip oqaasertaasa kalaallisut nutserneqarnerani arlalinnik kukkunertaqartoq pingaartumik suliffeqarfiiit suussusiisa aqqissuussaanerisalu il. il. assigiinngitsut taaguusersorneqarneranni. Oqaariaatsit assersuutigalugu “ingerlatseqatigiiffik qullerpaatut aqutsisoq” nunat tamalaat inatsisaaneersuuvoq taamaattumillu kalaallit inatsisaanni taaguusersuutit eqqortumik assigiiartumillu atorneqarnissaat aamma kalaallit allattaasiannut naapertuuttuunissaat pingaaruteqarpoq.

### **Allannguutissatut siunnersuummi aalajangersakkat ataasiakkaat pillugit nassuiaatit**

#### § 1-imut

Nr. 1-9-mut

Allannguutissatut siunnersuutikkut siunnersuummi nr. 1-4 aamma nr. 7-10-p kalaallisut nutserneqarneri iluarsineqarput.

#### § 2-mut

Nr. 10-mut

Allannguutissatut siunnersuutikkut siunnersuummi § 2, imm. 2-p kalaallisut nutserneqarnera iluarsineqarpoq.